

nuntius specialis nobilium et prudentum virorum . . vicarii, anzianorum, consilii et comunis Pisan(i) habens ab eis ad infrascripta^a, prout patet instrumento publico per Thomasum quondam Lamberti de Castello Anselmi notarium publicum et cancellarie dicti comunis scribam confecto et eiusdem comunis sigillo munito, plenariam potestatem^a, se vice et nomine dictorum vicarii, anzianorum, consilii et comunis et pro ipsis coram illustrissimo et^b victoriosissimo^c principe domino Henrico Dei gratia Romanorum imperatore semper augusto personaliter presentavit et eidem principi hoc mandanti, requirenti ac stipulanti concessit et promisit vice et nomine quibus supra causa et titulo mere donationis in subsidium solutionis stipendiorum gentium ipsius domini et aliorum negotiorum suorum et imperii, quod ipse syndicus sive iidem vicarius, anziani, consilium et comune dicto domino imperatori vel eius camere seu cui et quibus personis et in loco vel locis, ubi idem^d imperator solvi mandaverit, ducenta milia florenorum de Florentia boni et puri auri et legitimi ponderis modo et terminis infrascriptis et ex causa predicta persolvent. Videlicet quod de dicta summa sibi vel dicte camere et^e cui vel quibus personis et in loco seu locis ubi dictus^f dominus imperator solvi mandaverit sexaginta milia in Ianuario, triginta milia in Februario et triginta milia florenorum in Martio proxime venturis ac residuum ad beneplacitum et requisitionem eiusdem domini imperatoris facient simul et separatim, prout per ipsum principem mandatum fuerit numerari et integraliter exhiberi^g. Obligans prefato principi stipulanti dictis vice et nomine ad hec omnia et singula et alia, que ad predicta pertinere noscuntur, vicarium, anziani, consilium et comune predictos et omnia et singula bona mobilia et immobilia ipsius comunis in quibuscumque castris, villis, terris, bonis et rebus aliis consistentia, que constituit prefatos vicarium, anziani, consilium et comune pro eodem principe precario possidere usque ad

a) 'habens — infrascripta' sowie 'plenariam potestatem' auf kräftiger Rasur von ursprünglicher Hand. b) 'illustrissimo et' von B. durchgestrichen. c) 'et illustrissimo' von B. hier zugesetzt. d) 'dominus' von B. über der Zeile nachgetragen. e) gestrichen; 'aut' über der Zeile von B. f) gestrichen; 'idem' über der Zeile von B. g) 'sub pena dupli' über der Zeile von B. nachgefügt.

nardus de Mercato einheitlich durchcorrigiert. Alle Aenderungen, Streichungen, Zusätze, die ich verzeichne, rühren also von ihm her, wenn nichts anderes vermerkt ist. Die definitive Ausfertigung siehe dann bei Doenniges, Acta II, 191.